

09 Gorffennaf 2014

Teitl y Papur	Y diweddaraf ar yr Egwyddorion Rheoleiddio
Cyfeirnod y Papur:	NRW B B 56.14
Paratowyd y Papur gan:	Becky Favager, Karl Shepherd, Isobel Moore

Pwrpas y Papur:	Penderfyniad
Argymhelliad:	<ul style="list-style-type: none"> Gofynnir am gymeradwyaeth y Bwrdd ar gyfer ein cynnig i gyhoeddi'r ddogfen, 'Ein Hecosystem a Rheoleiddio'. Mae hyn yn ehangu ar yr egwyddorion rheoleiddio a gafodd eu cymeradwyo gan y Bwrdd ar 17 Rhagfyr 2014
Angen Penderfyniad:	<ul style="list-style-type: none"> Cymeradwyo cyhoeddi'r ddogfen (Atodiad 1)

Effaith:	<p>Effaith ar yr Amgylchedd: Dylai mabwysiadu'r dull arfaethedig o reoleiddio ein galluogi ni i gyflawni canlyniadau amgylcheddol yn well a lleihau ein dibyniaeth ar brosesau ein rhagflaenwyr.</p> <p>Effaith ar yr Economi: Dylai mabwysiadu'r dull arfaethedig ein galluogi i deilwra ein dulliau rheoleiddio, gan leihau'r baich biwrocraidd ar fusnesau, a chyflawni canlyniadau a rennir.</p> <p>Effaith ar y Gymuned: Dylai mabwysiadu'r dull arfaethedig ein galluogi ni i egluro'n iawn beth, sut a pham rydym ni'n rheoleiddio i sicrhau nad pwrs y wlad sy'n gorfod talu am rwymedigaethau yn anfwriadol.</p> <p>Effaith ar Wybodaeth: Bydd mabwysiadu'r dull arfaethedig yn cynyddu'r defnydd o dystiolaeth i lywio dulliau a chmau gweithredu rheoleiddio sydd â'r nod o gyflawni canlyniadau.</p>
-----------------	--

Mater

1. Mae ein strategaeth reoleiddio "Ecosystem a Rheoleiddio: Ein dull o reoleiddio i gefnogi gwasanaethau ecosystem" yn darparu'r egwyddorion sylfaenol sy'n sail i'n hymddygiad a'n dogfennau rheoleiddio (Atodiad 1). Bydd hon yn ddogfen allweddol ar gyfer gwaith craffu pan fydd y Swyddfa Rheoliadau Gwell yn adolygu Cyfoeth Naturiol Cymru ym mis Medi 2014, fel y disgrifiwyd ym mhapur blaenorol y Bwrdd, dyddiedig Mai 2014.

Y cefndir a'r diweddaraif

2. Bu'r Bwrdd yn trafod ac yn cymeradwyo'r egwyddorion rheoleiddio canlynol ym mis Rhagfyr 2013 (gweler y Papur Bwrdd yn Atodiad 2):
 - a. Rydym yn ceisio cyflawni canlyniadau amgylcheddol, nid dim ond rheoleiddio, gan geisio sicrhau canlyniadau a rennir lle bo modd.
 - b. Byddwn yn herio ac yn mynd i'r afael â rhwystrau lle nad ydynt yn cyfrannu at y canlyniad amgylcheddol.
 - c. Rydym yn ceisio bod yn hyblyg a theilwra'r dull i gyd-fynd ag anghenion y derbynnydd, gan ddefnyddio arloesedd a dulliau newydd os yw'n briodol a dysgu o brofiad blaenorol.
 - d. Dylem geisio defnyddio'r holl ddata sydd ar gael gan amrywiaeth o ffynonellau a cheisio sicrhau bod y data a gasglwn gan y rhai rydym yn eu rheoleiddio yn gweithio'n galed i gynhyrchu gwybodaeth i lywio camau gweithredu i gyflawni canlyniadau.
 - e. Rydym yn ceisio defnyddio amrywiaeth eang o offerynnau, ac yn eu dewis ar sail pa mor effeithiol ydynt o ran sicrhau canlyniadau. Mae hyn yn cynnwys defnyddio'r gyfraith i ymdrin â'r rheini sy'n torri'r gyfraith, er mwyn diogelu busnesau onest, cymdeithas a'r amgylchedd.
 - f. Rydym yn ceisio sicrhau bod gennym y sgiliau i ddefnyddio'r offerynnau cywir yn effeithiol, neu'n ceisio cael gafael ar bobl sydd â'r sgiliau hynny a gweithio gyda nhw.
 - g. Byddwn yn ceisio sicrhau bod pawb yn deal rôl a phwrrpas y "rheoleiddiwr" a beth yw'n canlyniadau, yn y fath ffordd fel ei bod hi'n hawdd gweld y cysylltiad rhwng yr hyn rydym yn ei wneud a pham.
3. Datblygwyd y rhain i lunio sut rydym yn mynd ati i weithredu ein gweithgareddau rheoleiddio. Fe'u crëwyd hefyd mewn ymateb i ddisgwyliadau'r cyhoedd a'r gymuned reoleiddio y byddai gan ein corff newydd ddull unedig o gyflawni canlyniadau, lleihau'r baich ar fusnesau a phwrs y wlad ac ymgorffori'r dull gweithredu sy'n seiliedig ar wasanaethau ecosystem yn ein diben craidd.
4. Felly rydym wedi mynd ati i ddatblygu'r egwyddorion hyn ymhellach i greu dogfen drosfwaol sy'n egluro'n well yr hyn rydym am geisio ei wneud ac i dynnu sylw at rai o'r heriau y byddwn

yn eu hwynebu wrth wneud hynny. Rydym wedi gofyn am sylwadau gan grwpiau amrywiol yn y busnes, yn cynnwys staff rheoleiddio, cynllunio ac ecosystemau. Mae'r ddogfen hefyd yn adlewyrchu sylwadau a wnaed wrth ddatblygu'r egwyddorion yn wreiddiol. Hefyd, rydym wedi rhannu gyda chydweithwyr polisi yn Llywodraeth Cymru i sicrhau bod y ddogfen yn cysylltu â Chod y Rheoleiddwyr a'r Papur Gwyrdd 'Cynnal Cymru Fyw'.

Argymhelliad

Mae'r strategaeth reoleiddio "Ecosystem a Rheoleiddio: Ein dull rheoleiddio i gefnogi gwasanaethau ecosystem" ynghlwm yn Atodiad 1 er mwyn i'r Bwrdd ei chymeradwyo. Byddai'n ddymunol ei chyhoeddi gan ei bod yn adlewyrchu ein diben rheoleiddio cyfredol ac yn arddangos ein hymrwymiad i ddilyn Cod y Rheoleiddwyr diwygiedig, yn barod ar gyfer yr adolygiad gan y Swyddfa Rheoliadau Gwell ym mis Medi 2014.

Camau nesaf

5. Bwriedir i'r ddogfen hon fod ar gael ar ein gwefan ar ein tudalennau rheoleiddio. Trwy'i chyhoeddi yno, rydym yn ceisio sicrhau bod y rheini rydym yn eu rheoleiddio ac yn gweithio gyda nhw yn cael cyfle i gynnig sylwadau ar ein dull o weithredu. I gyflawni hyn, rydym yn bwriadu defnyddio dull arloesol o sicrhau adborth a llywio ein bwriadau.
6. Ein bwriad yw i'r ddogfen fod yn un ymgynghorol ei natur a rhoi cyfle i bobl gynnig sylwadau, barn, awgrymiadau a syniadau hyd at fis Rhagfyr 2014. Yna byddwn yn edrych ar unrhyw adborth ac yn ei ddefnyddio i lywio a phwyso a mesur ein Hegwyddorion a'n dull cyflawni. Byddwn hefyd yn ystyried argymhellion y Swyddfa Rheoliadau Gwell yn dilyn ei hadolygiad mewn perthynas â Chydymffurfio ag Egwyddorion Hampton a dilyn Cod y Rheoleiddwyr.
7. Ymhellach, yn unol â'n Hegwyddorion Rheoleiddio, fel sefydliad, byddwn yn parhau i adolygu ein Hegwyddorion a'n strategaeth yn rheolaidd i sicrhau eu bod yn addas i'r diben. I gefnogi hyn, ein bwriad yw y bydd cwmphas y ddogfen hon yn parhau i gael ei ddatblygu ac i ymgysylltu'n rhagweithiol â'r rheini sydd â diddordeb yn yr hyn rydym yn ei wneud a sut.

Risgiau

8. Bydd unrhyw oedi cyn cyhoeddi'r strategaeth reoleiddio yn lleihau'r amser sydd ar gael i sicrhau bod y dull yn ennill ei blwyf yn y rhannau allweddol o'n busnes, ymateb i adborth cwsmeriaid allanol ac addasu'r ddogfen cyn adolygiad y Swyddfa Rheoliadau Gwell.
9. Dim digon o allu yn y busnes i ddatblygu'r dull heb effeithio ar waith cyflawni rheng-flaen.
10. Gallai fframweithiau cyfreithiol cyfredol rwystro dulliau arloesol, a gallai parodrwydd Cyfoeth Naturiol Cymru neu Lywodraeth Cymru i gymryd risg gyfyngu ar y gallu i'w herio.

Goblygiadau Ariannol

11. Nid oes goblygiadau ariannol uniongyrchol. Er hynny, mae'r newid mewn ffocws yn debygol o gael rhywfaint o effaith yn y byr dymor ar effeithlonrwydd wrth i ni ddatblygu ffyrdd newydd o weithio a'u rhoi ar waith ym mhob rhan o'r sefydliad.

Cyfathrebu

12. Bydd y grŵp gorchwyl a gorffen a sefydlwyd i baratoi ar gyfer Adolygiad y Swyddfa Rheoliadau Gwell yn datblygu cynllun cyfathrebu ar gyfer cwsmeriaid mewnol ac allanol. Bydd hwn yn cynnwys yr ymgynghoriad allanol ar y strategaeth reoleiddio.

Asesiad o'r Effaith ar Gydraddoldeb (EqIA)

13. Nid oes angen Asesiad o'r Effaith ar Gydraddoldeb ar gyfer y papur hwn.

Mynegai o'r Atodiadau

Atodiad 1 – Ein Hecosystem a Rheoleiddio: Ein dull o reoleiddio i gefnogi gwasanaethau ecosystem

Atodiad 2 – Papur y Bwrdd 17 Rhagfyr 2013 –Egwyddorion Rheoleiddio a'r Bwrdd Stori ar Wastraff